

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA
Zakonodavno - pravna komisija

Broj: 02/2-02-1982/25
Sarajevo, 30. 10. 2025. godine

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno: 30-10-2025			
Org. jed.	Broj	Priloga	Vrijednost

Na osnovu člana 46. a u vezi sa članom 56. Poslovnika o radu Doma naroda Parlamenta Federacije Bosne i Hercegovine, Zakonodavno-pravna komisija Doma naroda Parlamenta Federacije Bosne i Hercegovine, na 20. sjednici održanoj 30. oktobra 2025. godine, razmatrala je:

1. Prijedlog zakona o zaštiti prava na pravično suđenje u razumnom roku u Federaciji Bosne i Hercegovine,
2. Nacrt zakona o izmjenama i dopunama Zakona o roditeljima njegovateljima u Federaciji Bosne i Hercegovine,i
3. Pravilnik o postupku imenovanja, ocjenjivanja i razrješenja direktora i zamjenika direktora Federalne uprave policije.

Na osnovu člana 51. Poslovnika o radu Doma naroda Parlamenta Federacije Bosne i Hercegovine, Komisija podnosi Domu naroda sljedeći

IZVJEŠTAJ

1. Prijedlog zakona o zaštiti prava na pravično suđenje u razumnom roku u Federaciji Bosne i Hercegovine

Ustavni osnov za donošenje ovog zakona sadržan je u odredbi člana IV.C.3. Ustava Federacije Bosne i Hercegovine, kojom je propisano da će pravila postupka koja su potrebna da se osigura jednakost u postupanju, kao i osnovni principi pravičnosti u postupcima pred sudovima biti utvrđeni zakonima Federacije. Polazeći od činjenice da se ovim zakonom uređuje postupak zaštite prava na pravično suđenje u razumnom roku u sudskim postupcima, koji se vode pred nadležnim sudovima i tužilaštvima u Federaciji Bosne i Hercegovine, navedena ustavna odredba predstavlja osnov za njegovo donošenje, a u skladu s odredbom člana IV.A.20.(1) d) Ustava Federacije Bosne i Hercegovine, Parlament Federacije je, pored ostalog, nadležan i za donošenje zakona o vršenju dužnosti federalne vlasti.

Nakon uvodnog izlaganja vođena je rasprava u kojoj su učestvovali članovi Komisije, te usvojili sljedeći

ZAKLJUČAK

Komisija je u općem pretresu utvrdila da postoji ustavni osnov i da nema primjedbi na Prijedlog zakona o zaštiti prava na pravično suđenje u razumnom roku u Federaciji Bosne i Hercegovine, te predlaže Domu naroda da naprijed pomenuti Prijedlog zakona razmotri i usvoji u tekstu kako je i predložen.

2. Nacrt zakona o izmjenama i dopunama Zakona o roditeljima njegovateljima u Federaciji Bosne i Hercegovine

Ustavni osnov za donošenje Zakona o izmjenama i dopunama Zakona o roditeljima njegovateljima u Federaciji Bosne i Hercegovine sadržan je u odredbama člana III. 2. e), a u vezi s članom III. 3. (3) Ustava Federacije Bosne i Hercegovine, kojim je utvrđeno da federalna vlast ima pravo utvrđivati politiku i donositi zakone koji se tiču socijalne politike. Prema odredbama člana III.2. e) i člana III.3. (1) i (2) Ustava Federacije Bosne i Hercegovine, federalna vlast i kantoni su nadležni za socijalnu politiku. Tu nadležnost ostvaruju zajednički ili odvojeno ili od strane kantona koordinirano od federalne vlasti. U pogledu ovih nadležnosti kantoni i federalna vlast dogovaraju se na trajnom osnovu. Kantoni u ovoj oblasti imaju pravo utvrđivati politiku i provoditi zakone (član III. 3. (4)), kao i provoditi socijalnu politiku i uspostavljati službe socijalne skrbi (član III. 4. (j)). Prema odredbama člana IV. A. 20. (1) d) Ustava Federacije Bosne i Hercegovine, pored ostalih nadležnosti utvrđenih Ustavom, Parlament Federacije Bosne i Hercegovine nadležan je za donošenje zakona o vršenju funkcija federalne vlasti.

Nakon uvodnog izlaganja vođena je rasprava u kojoj su učestvovali članovi Komisije, te usvojili sljedeći

ZAKLJUČAK

Komisija je u općem pretresu utvrdila da postoji ustavni osnov i da Nacrt zakona o izmjenama i dopunama Zakona o roditeljima njegovateljima u Federaciji Bosne i Hercegovine može poslužiti kao osnov za izradu prijedloga zakona, te predlaže Domu naroda da naprijed pomenuti Nacrt zakona razmotri i prihvati u tekstu kako je i predložen.

3. Pravilnik o postupku imenovanja, ocjenjivanja i razrješenja direktora i zamjenika direktora Federalne uprave policije

Članom 63. Zakona o unutrašnjim poslovima Federacije Bosne i Hercegovine ("Službene novine Federacije BiH", broj 8/14), propisano je da Nezavisni odbor uz saglasnost radnih tijela Parlamenta Federacije Bosne i Hercegovine nadležnih za sigurnost i zakonodavno-pravne poslove donosi pravilnik kojim se bliže uređuje način rada i postupanja Nezavisnog odbora, a u vezi sa obavljanjem poslova iz člana 51. Zakona.

Zakonodavno-pravna komisija Doma naroda Parlamenta Federacije Bosne i Hercegovine razmatrala je Pravilnik o postupku imenovanja, ocjenjivanja i razrješenja direktora i zamjenika direktora Federalne uprave policije, koji je Nezavisni odbor donio na svojoj 4. sjednici dana 29.9.2025. godine, ali nije dala saglasnost u skladu sa članom 63. Zakona o unutrašnjim poslovima Federacije Bosne i Hercegovine.



PREDSJEDNIK KOMISIJE

Haris Zahiragić, s.r.